

Script of Evening Gojri News Bulletin 06 January 2025 at 1700 Hrs

ایوننگ گو جری نیوز بلیٹن مورخہ 06 جنوری 2025

یوہ آکا شوانی جموں ہے محمد مبارک ماہر تے عبدالرحمان شاہین تیں خبر سنو۔ پہلاں
خاص خاص خبر۔

Headlines

- *1۔ وزیر اعظم نریندر مودی نے ویڈیو کا نفر سنگ غے ذریعے نواں بنایا گیا جموں ریلوے ڈویژن غو افتتاح کیو ہے، تے اس موقع ور کہیو ہے جے اس پروجیکٹ غی شروعات سنگ اس خطہ غی سماجی و اقتصادی ترقی وے گی تے ات سیاحتی سرگرمیاں مانہ بابدو وے گو۔
- *2۔ جموں ریلوے ڈویژن غا افتتاحی موقع ور لیفٹنٹ گورنر منوج سنہا نے جموں کشمیر غا لوکاں مانہ مبارکباد دتی ہے تے اس موقع ور وزیر اعلیٰ عمر عبداللہ نے کہیو ہے کہ کشمیر غا ریلوے سنگ جڑن نال جموں مانہ وی فائدو وے گو۔ انہاں نے جموں واسطے بکھرو ریل ڈویژن منظور کرن بارے وزیر اعظم نریندر مودی غو شکریو ادا کیو ہے۔
- *3۔ مرکزی وزیر ڈاکٹر جتندر سنگھ نے کشمیر مانہ ریلوے غا نواں دور مانہ سراہتاں واں کہیو ہے جے یوہ اک تاریخی سنگ میل ہے، جس سنگ اس خطہ غی مجموعی ترقی غے نال نال کشمیر غی علاقائی بہتری مانہ وی یوہ مددگار ثابت وے گو۔
- *4۔ جموں سرینگر قومی شاہراہ گڈیاں لاریاں غی آمدورفت واسطے دوہاں پاساں تیں کھلی ہے تے تاریخی مغل شاہراہ اج دوہاں روز وی بند رہی۔
- *5۔ تے بھارت غی انابت سنگھ نے انگلینڈ غا پرمہنگم مانہ برٹیش جو نئیر اوپن گا آخری مقابلہ مانہ اپنی جگہ بنالی ہے۔

خبراں غی تفصیل نال پہلاں عبدالرحمان شاہین۔

PM Jammu Railway Div

وزیر اعظم نریندر مودی نے آج ویڈیو کا نفر سنگ غے ذریعے نواں قائم کیا گیا جموں ریلوے ڈویژن غو افتتاح کیو ہے۔ اس خطہ مانہ ریل رابطاں مانہ مزید مضبوط بنان ور اک اہم قدم غے طور وزیر اعظم نے نواں ریلوے ڈویژن جموں غو افتتاح کیو ہے۔ اس ڈویژن غا قیام سنگ نمایاں طور جموں کشمیر تے اس غا مضافاتی خطہ مستفید وینگا۔ تے اس غا قیام سنگ لوکاں غی دیرانہ توقعات پوری ہونی ہیں۔ جموں ریل ڈویژن مانہ پٹھانکوٹ، جموں، اڈھم پور، سرینگر، باہمولہ، بھوگپور، سروال پٹھانکوٹ، پٹھانکوٹ، پٹھانکوٹ تے جو گندر نگر سیکشن شامل ہیں۔ جموں ریل ڈویژن غا قیام سنگ ات روزگاری مواقع پیدا وین گا، ڈھانچائی ترقی وے گی، سیاحتی کاروائیاں مانہ تقویت ملے گی تے اس خطہ غی مجموعی طور سماجی و اقتصادی ترقی وے گی۔ اس موقع ور بولتاں واں وزیر اعظم نے کجھ اس طرح کہیو۔۔۔ بانٹ۔۔۔ اس موقع ور ریلویز غا مرکزی وزیر اشونی ویشنو نے کہیو ہے جے جموں ریلوے ڈویژن غا قیام سنگ جموں کشمیر مانہ نویں سہولتاں بارے ترقی مانہ مدد ملے گی تے ات سیاحتی بابدو وے گو۔

LG/CM Rail Project

وزیر اعظم نریندر مو دی نے اج مجازی طور نواں بنایا گیا جموں ریلوے ڈویژن غو افتتاح کیو ہے۔ آکاشوانی جموں غا نامہ نگار نے دسیو ہے جے جموں مانہ نواں ریل ڈویژن غی افتتاحی تقریب سنگ خطاب کرتاں واں لیفٹنٹ گو رنر منوج سنہا نے جموں کشمیر غا لوکاں نانہ نواں ریلوے ڈویژن بارے مبارکباد دتی۔ اس موقع ور بولتاں واں لیفٹنٹ گو رنر منوج سنہا نے اس طرح کہیو۔ بانٹ۔۔۔ اواں نواں قائم کیا گیا جموں ریل ڈویژن غی افتتاحی تقریب سنگ خطاب کرتاں واں جموں کشمیر غا وزیر اعلیٰ عمر عبداللہ نے کہیو جے جموں کشمیر واسطے یوہ تاریخی موقعو ہے۔ انہاں نے کہیو جے ات اپنا ریل ڈویژن بارے جموں غا لوکاں غی دیرینہ مانگ تھی، تے اج واہ خواب پوری ہو چکی ہے۔ وزیر اعلیٰ نے ات غا شہریاں نانہ دوبارہ یقین دوايو جے نواں ریل رابطاں سنگ جموں غی اقتصادیات مضبوط وے گی تے ات تجارت اور سیاحت مانہ باہدہ غے نال نال کئی دوجا نمایاں فائداں غی وی توقعو ہے۔ عمر عبداللہ بوراں نے کہیو جے وے یوہ یقینی بناویں گا کہ جموں اس ترقی تیں فائدو چاوے۔ انہاں نے کہیو۔ ریلوے غا مرکزی وزیر اشونی ویشنو، مرکزی وزیر مملکت ڈاکٹر جنتندر سنگھ، جموں کشمیر قانون ساز اسمبلی مانہ حذب اختلاف غا لیڈر سنیل شرما تے کئی دوجی معزز شخصیات نے وی اس پروگرام مانہ شرکت کی۔

MoS Rail Div Jammu

سائینس و ٹیکنالوجی، زمینی سائینس غا مرکزی وزیر تے وزیر اعظم غا دفتر مانہ وزیر مملکت ڈاکٹر جنتندر سنگھ نے اج نواں قائم کیا گیا ریلوے ڈویژن غی افتتاحی تقریب غا موقع ور بھارتیہ ریلوے مانہ اس نواں چیئر غا افتتاح نانہ سراہیو ہے، تے کہیو ہے جے یوہ نوو باب اک تاریخی سنگ میل ہے۔ انہاں نے کہیو جے اس نویں شروعات سنگ خطہ غی وسیع تر ترقی وے گی۔ تے یوہ قدم کشمیر مانہ دیہی علاقائی بہتری واسطے بڑو اہم ثابت وے گو۔ آکاشوانی جموں غا نامہ نگار نے دسیو ہے جے ڈاکٹر جنتندر سنگھ نے کہیو جے ایسا نظریہ نانہ حقیقت مانہ بدلن بارے وزیر اعظم نریندر مو دی غی لیڈر شپ نانہ اس کامیابی غو سہرو ہے۔ اس موقع ور جموں مانہ منعقدہ تقریب سنگ خطاب کرتاں واں ڈاکٹر جنتندر سنگھ نے اس طرح کہیو۔ بانٹ۔۔۔

Railway Inspection

ریلوے غی حفاظت بارے کمشنر پہلک تے 8 جنوری نانہ ادھم پور، سرینگر بارہمولہ ریلوے لائن منصوبہ غا کٹڑا ریا سی سکیشن ور معائنہ غے نال نال اک ریل گڈی غی آزمائش غو انعقاد کریں گا۔ اس عمل تیں بعد مذکورہ کمشنر اک رپورٹ پیش کرے گو۔ جہیڑی کشمیر واسطے ریل خدمات شروع کرن بارے مزید کا روائی غی رہنمائی کرے گی۔ اس تیں علا وہ ریلوے نے پچھلے ہفتے ادھم پور سرینگر بارہمولہ ریلوے لائن منصوبہ غا کٹڑ بانہال سکیشن ور ریل گڈی غی کامیاب آزمائش کی تھی۔

CS PM GS

چیف سیکرٹری اتل ڈلو نے پی ایم گتی شکتی ماسٹر پلان غا نفاذ غا سلسلہ مانہ تمام انتظامی سیکریٹریاں تے ڈپٹی کمشنراں غا اجلاس غی صدارت کرتاں واں کہیو ہے کہ متعلقہ محکماں نانہ سماجی شعباں تیں علا وہ اپنا تمام منصوباں غی نقشہ سازی کر غے متی تیں پرت جوڑن مانہ پیش ربنو چاہیے۔ انہاں نے انتظامی عہدیداراں ور زور دتو

جے وے اس قومی منصوبہ غا مقامی پورٹل ور اپنا آپ نانہ آن پورٹ کریں۔ تانجے وے اپنا محکماں بارے مخصوص پرتاں نانہ شامل کر سکیں۔ انہاں نے ان پرتاں نانہ شامل کرن مانہ اختراعی ہون بارے صلاح دتیں، کیونجے وے دوجی ریاستاں تے مرکزی زیر انتظام علاقاں تیں وی اس بارے جانکاری اکھٹی کر سکیں۔ چیف سیکریٹری نے مذکو رہ افسراں نانہ حکم دتو جے وے اپنا اثاں غا خاکہ بنان بارے طریقہ کار غا بارا مانہ جانن خاطر جل شکتی محکمہ غا تیار کر دہ پورٹل غے ذریعے رجوع کریں۔

مزید خبراں نال محمد مبارک ماہر۔ ور اُس تیں پہلاں یوہ پیغام۔ (یہ خبر تم آکاشوانی جموں تیں سن رہیاں، تے یہ خبر مہاری ویب سائٹ نیوز آن انیر ڈاٹ گوو ڈاٹ ان ور وی (دستیاب ہیں، اس تیں یہ خبر مہاری موبائل ایپ تے ڈی ٹی ایچ ور وی دستیاب ہیں

Squash British Junior Open

اسکویش مانہ بھارت غی انابت سنگھ نے انگلینڈ غا برمگھ مانہ برٹش جو نئیر اوپن غا آخری مقابلہ مانہ اپنی جگہ بنالی ہے۔ انابت اس مقابلہ مانہ مصرغی ملیکہ ایل کارا کسی غو سامنو کریں گی۔ اس تیں پہلاں انابت نے کل سیمی فائنل مقامی مانہ مغربی رقیہ سالم نانہ 1/3 سنگ برابو تھو۔ برٹش جو نئیر اوپن غا عالمی جو نئیر اسکویش چمپن شپ تیں بعد دوجی سب تیں منی پڑمنی جو نئیر اوپن اسکویش چمپن شپ منیو جا نے۔

Highway Weather

جموں سرینگر قومی شاہراہ دوہاں پاساں تیں گڈیاں لاریاں غی آمدورفت واسطے کھلی ہے۔ اس تیں پہلاں مذکو رہ شاہراہ قاضی گنڈ سیکٹر مانہ بڑا پیمانہ ور برف بارے ہون غی وجہ تیں تمام گڈیاں لاریاں غی آمدورفت روک دتی گئی تھی۔ حکام نے لوکاں نانہ صلاح دتی ہے جے وے گڈی چلاتاں واں اپنی لین غا نظم و ضبط ور عمل کریں۔ اور تہاڑی ہی سفر کریں۔ اس تیں علاوہ تاریخی مغل شاہراہ جھیڑی خطہ جموں غا سرحدی ضلع راجو ری تے پونچھ نانہ وادی کشمیر غا ضلع شوپیاں نال جوڑے اج دوسیں روز وی لگاتار گڈیاں لاریاں غی آمدورفت واسطے بند رہی، جد کہ خطہ پیر پنجال غا اچیرا علاقہ مانہ گئی رات وی سگری برفباری ہوئی ہے۔

خاص خاص خبر اک وری فر سن لیو۔

*1. وزیر اعظم نریندر مو دی نے ویڈیو کا نفرنسنگ غے ذریعے نواں بنایا گیا جموں ریلوے ڈویزن غو افتتاح کیو ہے، تے اس موقع ور کہیو ہے جے اس پروجیکٹ غی شروعات سنگ اس خطہ غی سماجی و اقتصادی ترقی وے گی تے ات سیاحتی سرگرمیاں مانہ بابدو وے گو۔

*2. جموں ریلوے ڈویزن غا افتتاحی موقع ور لیفٹنٹ گورنر منوج سنہا نے جموں کشمیر غا لوکاں نانہ مبارکباد دتی ہے تے اس موقع ور وزیر اعلیٰ عمر عبداللہ نے کہیو بیجے کشمیر غا ریلوے سنگ جڑن نال جموں نانہ وی فائدو وے گو۔ انہاں نے جموں واسطے بکھرو ریل ڈویزن منظور کرن بارے وزیر اعظم نریندر مو دی غو شکریو ادا کیو ہے۔

- *3۔ مرکزی وزیر ڈاکٹر جتندر سنگھ نے کشمیر ماتہ ریلوے غا نواں دور نامہ سراہتاں واں کہیو ہے جے یوہ اک تاریخی سنگِ میل ہے، جس سنگ اس خطہ غی مجموعی ترقی غے نال نال کشمیر غی علاقانی بہتری ماتہ وی یوہ مددگار ثابت وے گو۔
- *4۔ جموں سرینگر قومی شاہراہ گڈیاں لاریاں غی آمدورفت واسطے دوہاں پاساں تیں کھلی ہے تے تاریخی مغل شاہراہ اج دوہیں روز وی بند رہی۔
- *5۔ تے بھارت غی انابت سنگھ نے انگلینڈ غا پرمہنگم ماتہ برٹیش جو نئیر اوپن گا آخری مقابلہ ماتہ اپنی جگہ بنالی ہے۔
- *****

اس غے نال ہی خبراں غو یوہ بلیٹن ختم بوو۔